

而金真演妙數黃素齋修之典示紫清懺謝  
 之門惠謁幅員澤周鬱絕期返魂於黑臺盍  
 皈命於玄壇拜手傾葵馳心未非今齋主某  
 仰慮亡過未劫終劫始身後身前三業紛紜  
 溺愛河而飄浪六塵顛倒翻怒海以流吹受  
 中昧祀柳之資就下踐荆棘之運網常霧寒  
 罔思策馬於畏途禁戒烟迷弗念牧羊於順  
 境東岱之金科井井此鄧之玉律昭昭致二  
 豎以乘危鼓三彭而構霧沈家鬼域陰陽之  
 業網十尋冥漢神鄉水火之冤輪萬仞寒心  
 莫訴援手誰伸匪上叩於九清曷下提於五  
 濁爰崇月陞恭啓雲龍壁輪誠寶花散綠  
 羅之界鳳縉納款瑞烟飛紫禁之方為首過  
 於千生希垂恩於萬死仰冀玄雷錫軫蒼昊  
 垂憐念飛天神人啓紫陽之瓊蘊召神霄玉  
 女開內禁之華堂頌金錄以泰寒庭降玉符  
 而開夜府金雞豎曉罪無大小以冰清丹鳳  
 銜春過有顯微而雲散頂騰勝寶珠之會登  
 浮黎碧玉之墟掌如蟻蟻之忱允拜鴻尾之  
 造齋主某疑神觀妙涵濡道德之風視履酬

和沈波詩書之味和氣熙熙於厦屋祥烟燁  
 燁於春臺純淑所覃繁釐攸奉上天元澄  
 晏地紀昭寧風雨和平儀璿朗耀三乘流衍  
 翼洞輔以光明九醜潛藏育黔黎而安泰闕  
 丕基於六合數景命於萬年動植飛潛遂生  
 生之正性靖翹蠢動陶化之神機則上明  
 天尊大慈之化下副巨等皈命之忱謹啓以  
 聞

發願  
 存神燒香

香官使者左右龍虎君侍香諸靈官衆當令  
 巨向來清且陞壇行道之所自然生金液丹  
 碧芝英百靈衆真交會在此香火爐前令臣  
 學道得道求仙得仙齋主受福幽顯沾恩當  
 願十方仙童玉女接待蘭烟傳巨向來所奏  
 之誠速達徑御  
 太上无極大道至真玉皇上帝御前  
 出堂頌  
 靈寶領教濟度金書卷之四十二

靈寶領教濟度金書卷之四十三

洞微高士開光救苦真人軍金真授  
 靈寶通玄弘教水南先生林重真編

科儀立成品錄度黃

九朝行道儀

第一日午朝

各禮師存念如法

宣衛靈呪

誦歌空洞帝君守壇五帝校錄受符三官  
 備衛四門東魔去奸流鈴擲火陰穢焚殘  
 身佩金書煉液芝顏玄虛素合心動三關  
 騎獅跨鶴控龍乘鸞萬星守舍千魔不干  
 道炁長存萬仙委安和與道合真

鳴法鼓二十四通

无上三天玄元始三炁太上老君召出臣等  
 身中三五功曹左右官使者左右捧香金童  
 傳言散花玉女五帝直符直日香官各三十  
 六人出出者嚴裝顯服冠帶垂纓開啓玄壇  
 天帝神君當召此間土地里域真官正神巨

1001 A 10-10

今千朝隆壇行通朝謁帝真奉為入憲其諸  
情悃具載職勝願得

太上十方至真道炁靈寶妙光下降流入臣  
等身中即使玄壇清淨內外成真天無氛穢  
地絕秋塵琳琅振響十方肅清萬魔不干真

誠上徹令臣所啓之誠速達徑御

太上無極大道至真玉皇上帝御前

請稱法位

具位臣共謹同誠上啓

虛无自然元始天尊无極大道太上道君太  
上老君高上玉皇十方已得道大聖衆至真  
諸君大人三十二天帝君玉虛上帝玉帝大  
帝東華南極西靈北真玄都玉京金闕十寶  
瓊臺紫微上宮靈寶至真明皇道君三十六  
部尊經玄中大法師上相上宰上保上傳太  
平下教二十四真人西城總真玉君太乙真  
人東嶽上卿司命茅君定錄保命二真人名  
山洞府侍道神仙三界官屬一切真靈巨闡  
赤明開圖鼓真精而立極清微導運數神景  
以流形金書煥而或沉或浮玉宇彰而乍邈

乍通玄靈高覆祥開翠蓋之輝惠靈澄澈瑞  
映黃輿之彩碧落垂芒於舞鳳丹霄流響於  
翔鸞是三洞之根宗為羣靈之主宰且等坎  
蛙隘質難緝微蹤佩乾坤豁落之玄面墻志  
鬱真離坎飛登之妙入室心悠幸陶師匠之  
風斤虛老化工之月齋競競淵涉覲補過於  
女青切切海涵期積勳於大赤官商帝載輔  
徽皇靈具有心詞謹當宣奏

宣詞

按如詞言情深激切臣聞紫金御浮黎之座  
三景停輪碧玉輝騰勝之區十華迅駕煥琅  
音於珠黍流瓊爰於芳霽帝室虛圓萬神混  
雌雄之妙天關係制八威鎮網紀之基周十  
轉以迴靈符五行而度命澤羣生死靈寶之  
團蕤義義貫入天道德之淵滂滂今壽主某  
額天激切叩地凌兢痛進魄之顛冥九京莫  
迭懼驚魂之震懼千劫誰扶期下拯於醫單  
膺上析於閭闔夏簾蓬宇恭啓芝壇圭影正  
中耀輝霞於黃道瑤光在上凝碧為於玄虛  
靈風陶十極之春法雨散八莖之潤紫烟掩

畫琳瑯玉捧於飛鯨翠葆賢宵輝燦金籠於  
舞鳳仰龍光之臨御肅鸞序以趨朝羽蓋瓊  
輪垂陰煥流精之彩丹與綠華頓光昭耀景  
之華監真度生臨軒校錄願俯自民之視聽  
庸輝事帝之精誠明檢鬼管嚴侍衛送迎之  
令教制來由無拘留逼合之寃底高步於陽  
光獲超迹於陰暗乾坤均慶家國咸熙以今  
臨千行道請法衆等運靈初捨上香

願此香烟騰空徑上供養

无上至真道寶大羅元始天尊金闕至真玉  
皇上帝无上清微天官真仙衆聖巨等皈身  
皈神皈命首體投地仰依  
太上三尊願以是功德皈流宗統先聖社稷  
尊靈伏願汎景環林歟具瑤圃神超渺渺衍  
玉曆於千齡系入玄玄茂瓊源於萬葉  
皇帝光靈廣濟日增華為年瞻龍鳳之姿  
車書拱北三極輝龜麟之瑞玉帛朝東登朝  
野於福庭納華民於壽域祥開寶索奉命陶  
之象賢慶溢坤儀著徽音之懿德標庭位萬  
鍾之貴榆闡屹九鼎之增令故燒香自皈依

01 A D 10-4

師尊大聖衆至真之德得道之後保天長存  
和與道合真

以今臨午行道請法衆等運炁二檢上香  
願此香烟騰空徑上供養

无上至真經寶玉晨靈寶天尊紫微天皇大  
帝為餘天官真仙聖衆臣等皈身皈神皈命  
首體投地仰依

太上三尊願以是功德皈流齋主家七玄九

祖德劫種親伏願地域超神天開馭氣業障  
報障煩惱障風掠秋雲惡根毒根生死根日

溶曉露服霓裳而謁帝參羽葆以朝元齋主  
其蕭勺七神權衡三炁景星煥彩華芒羅四

七之躔慧耀輞威瑞萬御五三之位來千祥  
於德履消萬厄於福襟笈筆水清樂壺天之

日月門庭春益息塵地之風波慶浹松蘿澤

單桑梓今故燒香自皈依

師尊大聖衆至真之德得道之後升入無形  
和與道合真

以今臨午行道請法衆等運炁三檢上香  
願此香烟騰空徑上供養

无上至真師寶五靈玄老天尊紫微北極大

帝后土皇地祇大赤天官無邊聖衆臣等皈

身皈神皈命首體投地仰依

太上三尊願以是功德皈流圓穹仙聖方澤

真靈三界職僚十華主宰伏願承符布德佐

運同仁三光全寒暑平天無氛穢五穀熟民

人有地絕妖塵幸和氣於飛潛襲散聲於動

植敷藏紫華玉京膺九眷之華功紀丹珎全

闕峻三元之賞次其棲真道士煉景高人偃

月澄輝悟虎龍而混景餐霞胤粹含鳥兔以

奔展綿綿永固於谷神湛湛常存於夜蒸後

天難老與道合真今故燒香自皈依

師尊大聖衆至真之德得道之後長享自然

和與道合真

禮方 懺悔 命魔

步虛

控轡過十方 旋總玄景阿 仰觀劫刃垂

俯盼紫雲羅 逍遙太上京 相與坐蓮花

積學為真人 恬然榮衛和 永享無期壽

萬椿奚足多

又

大道師玄寂 升仙友無英 公子度靈符

太乙捧洞章 舍利耀金姿 龍駕歛來迎

天尊貯雲輿 飄飄乘虛翔 香花若飛雪

氛霧茂玄梁 頭腦禮金闕 携手邀玉京

又

鶯樹玄景園 煥爛七寶林 天獸三百名

獅子巨萬尊 飛龍踞躡鳴 神鳳應節吟

靈風扇奇花 清香散人衿 自無高仙才

馬能耽此心

三啓

鬱鬱家園盛 濟濟經道興 天人同其願

縹緲八大乘 因心立福田 靡靡法輪升

七祖生天堂 我身白日騰

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣謹同誠上啓

虛元自然元始天尊无極大道太上道君太上老君高上玉皇十方已得道大聖衆至真

諸君丈人三十二天帝君玉虛上帝玉帝大帝東華南極西靈北真玄都玉京金闕七寶瓊臺紫微上宮靈寶至真明皇道君三十六部尊經玄中大法師上相上宰上傳上傅太

平下教二十四真人西城總真王君太乙真人東嶽上卿司命茅君定錄保命二真人名山洞府得道神仙三界官屬一切真靈巨闢

高遶雲層霈慈恩於雨露幽家風澤總威憲於雷霆壯魁崇玄範之司西壁記紫英之職武鸞絳制御鐵券以宣威神虎駭奔佩金札

而肅命上靈玄都之道系下敷紫極之真光提魄陰都返魂陽境令濟主并仰慮亡過某爰從無始迨至有終愛網膠膠纏滂五慾七情於覺地業機周運結六因十習於靈天素十善而弗修縱五朋而不淪卑卑蟻磨駕黑風

遊苦海之津忽忽駒寬乘毒霧奔迷途之徑背舍科之戒行忘玉檢之威儀過奏玄曹曠十官之考對愆書黑簿森六洞之推研驚心

論幽暗之居極目絕陽光之照匪由拯拔曷遂升遷齋按三元露丹誠而肘步壇崇十極教素悃以膝行爲蠲鼎鉞之刑俾雪岱溪之誼獲離圍室未覲方壇伏冀上聖流恩下惠膺澤降東華之敕詔頒北杵之威章峨峨丘寒庭煦春陽而照耀炎炎烈火獄沛膏雨以流滋天尊垂微妙之光地祇稟希夷之令雄提雌攝邊火令而毀鎖張門陽返陰還策靈威而開關啓路法橋穩駕道岸高登疾辭金剛之風輪徑陟玉虛之梵景鸞和粹稱虎拜動渠崇瞻萬一之誠允拜億千之造齋主某神扶步武聖翊精神慶于公駟馬之榮膺荀氏八龍之盛融光風於庭宇耀霽月於簾櫳百順豐滋千殃渙散更願二儀昭泰四象熙平星宮輝華風雲靜謐三農穡富野無鴻鴈之憂四鄙收烽里有雞豚之樂耀祥雲於玉宇凝甘露於金莖歌舞鳳儀開八荒之聖治

爲飛魚躍融萬靈之天和仁浹九幽福暈五道則上明天尊大慈之化下訓臣等皈命之誠謹啓以聞

發願

存神燒香

香官使者左右龍虎君侍香諸靈官當令臣向來臨午陞壇行道之所自然生金液丹君之英百靈衆真交會在此香火爐前令臣學道得道求仙得仙濟主受福顯沾恩當願十方仙童玉女接待侍蘭烟傳臣向來所奏之誠速達徑御

出堂頌

太上无極大道至真玉皇上帝御前靈寶領教濟度金書卷之四十三